

重修天津府志卷四

組四

皇言四

聖製

聖祖仁皇帝御製文

幾暇格物篇

九河故道漢唐宋諸家之說不一或謂在濟南境內或謂遠界永平而酈道元謂九河苞淪於海以朕揆之其九河入海之處在今天津之直沽而九河故道不出滄景二三百里閒也蓋水性就下今南北之水以天津爲尾閭地最窪下雖數千百年中或陵谷變遷而其高卑

重修天津府志

卷四

聖製

一 光緒戊戌

大勢南北定位必有不可易者卽以禹貢之文考之可以斷矣禹貢曰至於大伾北過洛水至於大陸又北播爲九河疏云大伾屬魏郡黎陽洛水在信都大陸澤名夫黎陽今之濬縣信都今之深州大陸澤在今之東鹿界而河間在濬縣深州東鹿之北故曰又北也又九河旣道疏云平原以北平原今德州境言德州以上也漢書溝洫志許商云九河之名有徒駭胡蘇鬲津在成平東光鬲界中此三地今皆屬河間杜氏通典云鉤盤在景馬頰覆釜在趙郡景卽景州趙郡今涿易南古所謂燕南趙北也輿地理記云簡河在臨津金史地理志云

南皮縣有潔河太史河傳志所載九河故道之在河間境也又豈不彰明備著乎則天津爲同爲逆河入海之道無疑矣河自周定王時已南徙九河故跡亦漸湮廢後人不能深究地勢多穿鑿傳會其指在濟南者既失之過南其指在永平者又失之過北而鄭康成據緯書謂齊桓公填塞八河以拓疆界其說益滋譌謬耳凡人讀書能正據經文考以古今形勢則諸家之說自有折衷夫河間古郡稱名已久其所以謂之河間者以其在九河之間也顧名思義又可知矣

重修天津府志

卷四

聖製

二 光緒戊戌

前志謹按禹貢九河第言其數而未詳其名爾雅釋地篇詳其名矣而未誌其處西漢去古未遠已不知九河所在迄今又數千年欲執卷辨方實指其所謂徒駭覆繭示千古以可信宜眾說斷斷而莫能決耳然徒駭之爲滹沱滹沱之由平舒入海漢書確有明文又大陸古澤實爲禹迹之舊漢書河水至章武入海水經注清河自東光以下會大河故瀆則今直沽之爲禹河入海故道無疑人第惑於河水由章武爲漢河之論不知周時河已南徙後世漸徙漸南地勢北高南下斷無周時已南而漢復北之理

聖祖仁

皇帝考古證今合百家之說而折衷之確然指天津爲禹貢逆河入海之道使知濟南永平之說之非而萬世治水之績乃得把握之方要由南北水利時塵

帝

宸衷禹功所及有默會於宵衣旰食閒者迄今川瀆平成永賴帝澤蓋是篇實示其端焉

大沽口海神廟碑

朕昔巡歷天津詢知直沽海口去盛京數百里舟航泛

步利轉輸迺者奉錦兩郡歲穀不登兵民乏食深塵
始足拯濟羣生爰命學士陶岱往涖其事酌撥倉粟運
以巨艘出直沽之口東指遼海篙師權卒并力一心波
濤不興天日清皎祥飈邁送帆檣如馳甫三日卽達盛
京賑給所暨周徧窮簷俾此京輔之邦咸與遂生樂業
則惟爾海神有靈克相朕以靈茲兆庶也朕惟望秩之
典國有常祀而濟運之功尤宜報享天津東舊有海神
廟今特命工庀材重加營建朱甍碧瓦規制崇宏庶幾
鑒茲悃忱益加祐助豈惟予一人惠鮮之意藉以有成
重修天津府志

卷四

聖製

三 光緒戊戌

將盛京世世軍民皆得邀神貺於勿替也是用揭諸穹
碑表神之功德以垂永久焉康熙三十六年七月

詩

天津

轉粟排千艦分流納九河潮聲連海壯樹色入京多鼓
楫魚龍伏停帆鸛鶴過津門秋望遠明月湧金波

水淀雜詩四首

輕舟十里五里垂柳千絲萬絲忽聽農歌起處滿村紅
杏開時

春水船行天上冷風雨過田家深樹幾聲布穀晚晴千

樓明霞

銜泥雙燕沙際喚雨單鳩樹頭昨夜桃花新雨鯉魚躍
入蘭舟

爲愛沙明水遠更看柳鞦韆花新草木禽魚咸若河山民
物同春

天津

河柳絲絲變嫩黃海門遙望色微茫賈航商舶連檣至
貢費時看集萬方

前過浙江桃花已放今回鑿至津門復見桃花盛開調
寄點絳脣

重修天津府志

卷四

聖製

四光緒戊戌

再見桃花津門紅映依然好回鑿纔到疑似兩春報
錦纜仙舟星夜旣辰曉情飄渺豔陽時媚不是垂楊老

世宗憲皇帝御製文

大沽口海神廟碑

天津直沽口海神夙著靈應

皇考時以盛京歲偶不登命泛舟輸粟出直沽口浮於遼
海達於奉天惟神効祥三日而至

皇考嘉悅爲神立祠製文勒石昭美報也朕嗣膺大統輯
盛兆庶凡天神地祇能爲我民禦災捍患者咸稽舊典
加封秩祀况海爲百谷王沐日浴月出雲興雨品物遂

生其利益於民甚溥而神之降福茲土昭明顯融歷有年所又朕心所敬禮者也既崇封號以答神庥爰敕有司載新祠廟更立豐碑垂示久遠神其益降嘉祥舟航以通風雨時若永惠我民則朕有厚望焉雍正四年六月

長蘆鹽法志序

洪範之敘五行始於水而終於土水以潤下作鹹土以稼穡作甘五味之物唯鹽不可一日闕其用殆與粒食均周禮鹽人掌鹽之政令以共百事之鹽蓋古先哲王知鹽之爲用切於民生故設官以掌之使其足於國周

重修天津府志

卷四

聖製

五 光緒戊戌

於民平其法而息其爭用意至深遠也自漢以來代修鹽政或失之疎或失之密皆不便於民惟唐之劉晏職掌度支權五方之鹽以寬萬姓之賦得重民抑末之意內外使之我國家撫御寰區修和府事淮浙滇黔秦晉產鹽之所皆設官以領之長蘆鹽政則自析津而東暨於青齊乃禹貢所書厥貢鹽絺之地密邇京畿爲職綦重朕念切民生勤勞庶政欲四海之民以生以食無一物不得其所況輦轂之近日用之需尤宜著爲令典以備稽參者哉侍郎莽鵠立視釐三載修長蘆山東鹽法志共三十卷書成來獻朕覽其大凡載詔敕以奉公考

沿革以法古職官定而法制禁令行焉疆域分而竈籍商政著焉法必待人而行故稱述宦蹟尤有關於鹽政苟居是官者能深思設官分職之指專心一力克盡其職使國家無闕於歲需而閭里常充於日用則不惟職舉事修而於古先哲王崇本抑末之深心我國家惠養元元之至意交有裨益是則朕之所厚望也夫雍正四年七月十三日

高宗純皇帝御製文

重修大沽口海神廟碑

渤海介析木之津襟帶畿輔捷雄閣而鞏之實惟神京
重修天津府志

卷四

聖製

六 光緒戊戌

左絡翕受靈長厥利斯溥

神故不列海瀆秩次康熙間盛京有汎舟之役衽波颺
颿厥事迅葳我

皇祖嘉

神之功飭廟薦馨祀在彝典我

皇考詔卽舊規重事葺治

豐碑並峙昭鑠瀛際崇示禮秩莫不備舉越歲旣久風
雨剝侈無以揭虔妥靈迺發水衡鼎厥工楹輝曩新式
奐式壯朕今春率

皇祖舊章巡幸天津莅而謁禮爲詩以落之蓋自淀池循

子牙滌海河既得悉其歸墟原委至則登觀海之臺澄
波澶滌引控瀛棣東眺扶桑煥艷蔥鬱光延我陪都而
旅順登萊廟島環拱羅布胥靖以安其旁穿壕塹塹場曝
鹵出素邱如皜如牢盆之獲什倍而斥壤沮洳瘠不宜
植於是蠲澤民之逋爰復憬然曰渤海之繫誠大矣凡
海職納而茲所職乎納者尤要夫東南之海吸吞江河
風濤是防治在塘堰若西北諸水滹滏漳易衛白或奔
瀉千百里而永定最橫且駛瀦以七十二淀淪以三沽
灑澹委輸厯直沽以入禹貢所謂同爲逆河入海者此
居其大半而崇沙外互如戶斯闐無拒而壅流乃軌注
重修天津府志

卷四

聖製

七光緒戊戌

曩者京南州邑苦集潦載洩載導田廬用空邇復相示
吝度渠之墊者濬之隄之缺者續之施人力靡弗至洎
覽五牘春灌夏禁啟塞以時匪潮弗盈匪寒弗縮噓噏
迴幹通乎自然固非人事補苴之可作而致而朕飢溺
爲念時罔不在民則因
天之功其又敢不事事且海之爲物既鉅受川池波有宿
有統與夫所以若雨暘迪節宣康乂我民人而惠阜我
田疇者咸依神庥洪惟我

祖

宗懷柔報祀胙饗昭融厯有年所朕勤思下氓計安恬者

其摯亦惟

神是憑蘄自今祇循儀軌宣道和令於以疏濶輯瀾俾
暑無盛漲秋無霖霖用貽我甸人無疆之樂利嗣是百
執事歲有事於廟下醴芬牲膾無不恪共而

神之彰靈効順以宏佑我邦家者亦永永弗替爰系其
事於碑以示來許乾隆三十二年

詩

上已後一日至天津策馬由府城觀民閱河遂駐行館
作

省方茲日莅天津策馬沿隄入綺闈三十二年念常注
重修天津府志

卷四

聖製

八光緒戊戌

京垓兆庶意俱親地當南北舟車要水會東西河海循
何必管絃續民樂伊余所喜在還醇

海神廟瞻禮述事

崇構海河濱初來拜謁伸配

天常互地濟物卽爲

神紫澥安瀾慶青蓮示法眞

兩朝碑仰讀

意總爲斯民

海光寺作

像設花宮坐大慈普陀彼此孰然疑可知海印發光處

正是如來按指時

望海寺二首

南運河邊望海寺海其遙矣海河然觀音是佛觀察智
普遍三千與大千

李賀詩人具卓見杯中海水瀉猶然堂中大士如如望
道理那更計百千

觀海臺

蕩蕩津門瀉大沽滄溟東望尙遙紆清流渾派歸淵極
坤括乾苞充德符豈似餘杭沙漲藉况經自古海氛無
留都來往糧艘運總濟吾民關坦途

重修天津府志

卷四

聖製

九光緒戊戌

瀛裔一首

在豐財場

巡方到處塵黎黔瀛裔民風策馬覘力穡仍艱登稷黍
資生惟是藉魚鹽蘆田概與均蠲負沙戶因之期引恬
斥鹵安能變膏壤漢時早說海波漸

免天津府屬積欠銀穀並及直隸通省詩以誌事

天津瀕海濱沮洳實澤國以此多積欠可任催科力遊
豫貴休助逋逋資職殖絜矩念通省那無向隅泣一律
命免之俾民足衣食民足孰與不司農莫恡惜

閱武作

重鎮海疆守今來况始過因之觀素習可說不揚波結

隊明組練伸行列鶴鵝巡方應詰武行賞意猶多
津水早春詞用錢陳羣韻並寄命和之

香樹齋集偶披翻清虛婉約真除煩早春津水詞更美
正值三月停巡軒近海民計夙所廬幸看氣象猶飽溫
摩肩接踵日輻輳迎變出欲空巷村江南輿情一例篤
爲憶詩客安詩魂當年慵書此閱歲每有佳句無斧痕
自從歸來樂桑苧直沽塌淀空潺湲詩筒遐寄俾賡韻
畢然南望紛川原

庚寅暮春乘馬由天津府城至行宮一律

維舟策馬歷城闔馬足羣黎任覲親遊必以休休利溥
重修天津府志

卷四

聖製

十光緒戊戌

樂原與眾眾情申古來稀慶今誠慶

聖母八旬予六旬五福箕疇壽居首斂時

天錫錫臣民

柳墅行宮作

舊識行齋路海河河岸東昔巡纘

聖蹟今喜奉

慈宮陌柳陰垂綠階花暖放紅物胥含樂意我願與民同

庚寅季春中澣題

祝

齡從眾請復此至天津乘令當二月施恩逮萬民耕桑所

勤問歌舞亦紛陳返已惟生惡難言斯播醇

海光寺作

大士坐堂堂蓮宮向海光可知効清晏總爲利耕桑
意禮相好

洪禧祝

壽康前年與今歲一瞬祇如常

望海寺作

波羅梵宇碧溪潄恍是普陀紫竹林卽色不殊卽空體
海河常送海潮音到來門徑宛相識悟去慈悲沒處尋
未得無心心合眾延

重修天津府志

卷四

聖製

十一 光緒戊戌

禧祝嘏一真心

免天津府屬及直隸通省積欠詩以誌事

蠲賦王畿首被澤析津無更可加恩前巡因憶積斯道
近歲應餘欠者存概與除徵曰銀穀並教通省逮黎元
村村春種期秋熟催呼何愁吏叩門
再疊錢陳羣津水早春詞韻一首

大沾赴海清波翻海口昔閱茲不煩茲來實以俞眾籲
祝

釐攬勝奉

翟軒似繪花柳秀而野漸長風日和且溫吳山廣陵有同

約來賀詎止津瀛村香樹齋翁命且俟更憐歸愚地下
魂二老外與言詩少片雲空宇盍留痕津水早春詞重
和還鄉直達波潺湲東坡先生例具在不妨險韻數疊
原

天津迴鑾之作

虔奉

慈徽諸禮成曉乘安福返都京

康疆逢吉真愜意男婦駢隨有戀情夜雨雖微塵已淨朝
煙欲泮冷猶輕究當優霈方紓念節過清明迫待耕

辛卯望海寺作

重修天津府志

卷四

聖製

三光緒戊戌

寺建海河濱初來自丁亥去歲再臨茲轉眼復一載海
去此尙遙溯河得望海大士泯分別如是觀自在斯行
爲巡齊匪爲津鳳採便道成小憩遂命維舟解柳墅若
有篋分付迴鑾待

免天津府及順天府所屬積欠詩以紀事

休助古所云懷保今所勉昨歲此地災賑期均徧巡
方茲目覩幸道溝壑轉然未經見多加惠詎宜緩兩府
界壤連受沴苦弗淺三州及八縣舊欠概與免武清獨
無欠豈不向隅歎蠲供十之五用以旌良善麥收儻得
豐庶少濟屯蹇是惟賴

天恩非吾力能辦

癸巳暮春月至天津府卽事一律
行時隔歲至津關依舊觀風侍

懿顏

御航賞春

歡益暢乘驄問俗力猶閑最憐幼挈老扶夥一任鞭塵馬
足閒雖是眼前都踴躍向隅隱詎少民艱

望海寺瞻禮成什

望海祇園臨海河隔年此復一相過雖然縟節繁文禁
仍有衢歌巷舞羅祇以祝

重修天津府志

卷四

聖製

光緒戊戌

釐合眾志遂因同梱禮三摩普門無量慈悲願願作籌添
曼壽多

免天津府屬積欠及直隸前歲被災別州縣積欠詩以
誌事

每來免積欠隔歲復茲有所以切祈年綏豐屢難偶見
者恩固加未見惠應受顧此而遺他寧稱絜矩道次第
與豁蠲催科俾逭負調變無良方用是增愧忸

暮春三疊錢陳羣津水早春詞仍寄去命和

光陰真似逝水翻萬幾那敢謝勞煩搜題摘句乃餘事
時亦引興因遊軒而惟觀民體休助衣食計欲飽與溫

斯來本爲閱河務因緣復至章武村行館憇息春之暮
蝶夢不離花閒魂屏額勒昔和錢句彼無斧鑿我有痕
一篇寄付北風去望予渺渺波潏潏卽今可與言者孰
莫辭更疊險韻原

天津迴鑾之作

停鑾三日此揚舫行館迴看柳墅青閱武掄文舉次第
直沽塌淀悉情形獨憐民戀就瞻切常奉

慈歡億萬齡兩岸麥苗方勃長爲因望雨意無靈

丙申清和月至柳墅行宮作

遙看籠墅青近識逕和庭又以三年別居然此日停惟

重修天津府志

卷四

聖製

西光緒戊戌

期供憇息何必綴臺亭細雨午時歇中心益不靈

策馬由府城至海神廟拈香用近作過天津府城詩韻
前度鳴鞭過綺闌由城經此覲從民長街小雨惜乎弱
靈廟甘膏籲以親入夏恆風渴已亟代

天敷澤望猶諄密雲願卽霈嘉霽虔叩惟抒一念真

崇禧觀香林院瞻禮作

清河入海河泊岸俯洪波琳宇開香院蕭臺矗鬱羅都
緣籲安晏豈是豫卷阿路便申瞻禮祈民福佑多

望海寺作

臨河側岸建蘭若望海因之遂得名大士如如不動念

眾生箇箇仰慈情聊緣路便駐舟憇更趨途長解纜行
柳墅去茲十餘里置之停蹕待迴程

天津起程迴鑿之作

安福御艦溯海河夾隄十里備笙歌迫因希澤方愁已
一任排當嬾聽他昨日微零仍卽止今晨略蔚又旋過
農民祇盼銀牌喜未識其心苦若何

戊申仲春至柳墅行宮作

一紀重來觀赤子五齡新喜抱元孫依然策馬過城市
不許前驅禁笑喧近海古來無海患津天宿應沐

天恩肆屬富庶笙歌盛返樸因之意默存

重修天津府志

卷四

聖製

光緒戊戌

崇禧觀瞻禮成什

崇禧古觀枕津河一紀春秋此重去聲過愜意蒙

麻錫海宴

月初據福康安奏已將逆首林爽文生擒繫
來京固已仰荷天麻尙冀南路並將莊

大田亦卽擊獲以靖
海疆而安黎庶耳肅躬瞻禮籲時和藐予深感

恩駢疊

上帝高居示鬱羅萬物有心

天普鑒

天在人人心中隨方示
象因難議祠宇之各處多有也難拘禮議時祠多

望海寺瞻禮成什

十載重言至心空禮法王光陰誠速速相好自堂堂清
晏南和北紛趨民與商迴思祝

釐况望海祇茫茫

海光寺作

清蹕禮蓮宮東瀛吐旭紅萬民恣瞻仰一意祝和豐我自勤宵旰那能悟色空如來暗指處歷劫海光同

閱武作

巡方之所重詰武及修文昨已試諸士今應閱眾軍熊羆分列隊鵝雁聚成羣原可百年偃休疎一日勤酬勞略行賞合度亦堪欣敢曰瀛氛靖戒安意正殷

免天津民欠銀穀詩以誌事

巡鑾依例有恩施所過十分三免之茲覽民風益親切

重修天津府志

卷四

聖製

六 光緒戊戌

應寬歲欠莫呼追數雖弗夥究霑惠獨則無徵俾普熙共戴

天庥昨秋稔前旬雨又麥田滋

崇禧觀書室作

清河順水東溯游南而西轉閭閻稠郡城已近見碑堧例於北岸泊行舟行舟既泊遂登岸岸頭老幼迎鑾見尊親意比更前篤咫尺崇禧謁古觀古觀之旁書室存熟路原識徑與門歲歷一紀斯再至却如瞬息過高奔高奔過隙迅如此樓臺點綴增多矣商力豈非民力哉因之不慊弗因喜弗喜觀聽紛笙歌熱鬧可厭填津河

觀民本義詎在此按轡自問斯爲何

清明日賜扈駕眾官食卽席得句

津門冷節值清明昨恰捷音到御營賜以饌應同眾豫
默無賞覺矯其情花雖含蓄曦烘暖柳已舒條風拂輕
樽俎內臣佈遲慢笑他寒食太循名

庚戌清和月至柳墅行宮卽事一律

浮橋策馬過河濱河上行宮綠柳循臺館嫌看重修葺
商民豫祝夥排陳旣成不說愧一已適可修儀示遠人
題壁舊辭何太似望霖如例縐眉頻

中泮策馬由天津府城至海神廟拈香疊丙申詩韻

重修天津府志

卷四

聖製

七

光緒戊戌

八旬策馬過城闔露冕因教悅萬民幼挈老扶依舊眾
叩瞻躍喜較先親所慚仍是昔年况致請殷希
神佑諄虔謁自慚誠不至腆稱曷

惠鑒誠真

崇禧觀展謁作

旋蹕至天津

崇禧展謁申東巡蒙

吳貺時雨望心寅無德慚調燮有愁塵隰昫弗聽寬解語
祇覺忸怩身日五期誠迫寸膚靳實頻責躬虔九叩尺
澤救農民

海光寺瞻禮作

浴佛日應禮祇園海光梵寺城南有出城騁望白茫茫
一綫長隄水中走亦因去歲秋潦積不異今春趙北口
嗟哉吾民被昏墊賑加一再苦仍受爲籌減壩豫洩漲
復恐潮灌傷田畝是則扞格進退艱治河善策誠棘手
佛固無心我有心和南爲籲甘膏宥低地弗雨庶速涸
高地卽雨旱方救左之右之措意難方寸頃刻思紛糾
萬民瞻叩萬乘尊萬乘尊難亦知否
甲寅季春月至天津駐柳墅行宮之作
長隄步輦府城觀虔謁

重修天津府志

卷四

聖製

光緒戊戌

崇禧露冕冠兩次成三賴

天錫八旬有四愜民歡笙歌聽厭衢和巷安阜情非飢與
寒詎鮮遠村向隅者宣咨置吏佈恩寬

崇禧觀瞻禮成什

崇禧真是荷

崇禧恰憶戊申瞻禮時一逆已聞解京信次兇尙籲就俘
馳

天庥頻疊何修遇心感旰宵勵悚寅莫不照臨莫不佑敢

同橫議謂多祠

望海寺作

津府近臨海寺因望海稱衆誠一念合永宴萬年徵攄
敬春秋闕祈安瞻禮仍蒙

恩真疊疊撫已益兢兢

海光寺作

海河四十里而長瀛渤遙光隔渺茫悟得如來暗指處
庶幾了見海之光

仁宗睿皇帝御製詩

庚戌過津門舟中作三首

甲辰下江浙淮浦放行舟問景平山嶼觀潮揚子樓萍
踪暫棲息駒影幾春秋又趁颿檣力重爲掛席遊

重修天津府志

卷四

聖製

光緒戊戌

汶水春流穩揚帆錦浪中疾徐豈人力順逆任天風岸
柳臨窗綠汀桃映纜紅津門問新景海月正高空

西望蜀山湖茫茫若具區波清浮碧藻天遠接平蕪沃
壤連齊魯孤蓬憶越吳遊期又將半歸棹紀舟途

命免天津府屬積欠詩以示直隸總督方觀承

去歲秋告登編氓解逋賦今春駕南巡免三逮經路

南

經過直隸州縣今歲

應徵正額免十之三津門近海濱下溼多沮洳積欠非

一朝致然豈無故與民樂休息保赤吾衷素新恩所不
及曲體惟要務帑則免其徵糧亦豁其輸閭閻留有餘
是豈非藏富長官善推行莫容胥吏蠹

卷四終